



保嬰全書

八

特	別
64	83
8	



門中武 9
第 8 3
卷 8



保嬰全書卷之八

贈太醫院院使薛鎧 編集

前太醫院院使男薛已治驗

脫肛

夫肺與大腸相為表裏。肛者大腸之魄門是也。巢氏云實熱則大便秘結，虛寒則肛門脫出。此多因吐瀉，脾氣虛，肺無所養，故大腸之氣虛脫而下陷也。用補中益氣或四君子為

主若脫出緋赤或作痛者血虛而有熱也用
補中益氣湯佐以四物牡丹皮微赤或作痛
者氣虛而有熱也佐以四君牡丹皮大凡手
足指熱者屬胃氣熱手足指寒者屬胃氣寒

治驗

一小兒痢後脫肛飲食少思面色青黃余
謂脾土虧損肝木所勝也不信另服消導
尅滯之劑腹痛膨脹倦怠作嘔余曰脾氣
虛甚矣又不信恪服前藥腹益脹重墜四
肢浮腫復請治之仍欲尅滯余曰腹脹重
墜脾氣下陷也先用五味異功散加木香
四劑更手足冷又加乾薑四劑而腹脹諸
症漸愈後因飲食過多作瀉脫肛用補中
益氣湯加木香及五味異功散而愈
一小兒脫肛半載侵晨便泄兩目白多用
升補脾氣之劑不應余曰腎開竅於二陰

此屬腎虛也。用四神地黃二丸及補中益氣湯月餘而愈。

一、小兒痢久脫肛，目睛多白，面色漸黃，余用補中益氣湯六味地黃丸調補脾腎而痊。

一、小兒小便先頻數澀滯，次下痢脫肛，久而不愈，余以為稟父腎虛，用六味地黃丸尋愈。後患泄瀉咳嗽聲瘖，亦用前丸而痊。

一、小兒脫肛，用寒涼之藥，肢體倦怠，飲食少思，肛門重墜，此脾氣虛而中氣下陷也。用補中益氣湯加酒炒芍藥白朮茯苓而痊。

一、小兒肛門腫痛，出血水，年餘未愈，忽吐血便血，皆成紫塊，此腸胃積熱，用聖濟犀角地黃湯頓止，更用金銀花甘草為末，白湯調服，半載而痊。

一、小兒脫肛，雜用除濕祛風收瀉等藥，面黃體倦，少食便血，余欲升補脾氣，以攝其血，反服四物、槐花之類，而血益甚，更加作嘔，余先用四君、木香治之，形氣漸克，便血頓止，又用補中益氣湯，更以草薢仁塗頂心而愈。

一、小兒因咳嗽，服化痰等藥，或作或輟，服漆痰丸，更吐瀉，手足指冷，眉目發搐，肛門脫而不赤，余朝用補中益氣湯，夕用六君子湯治之，諸症漸愈，但脫肛未入，恪服補中益氣湯而愈。

一、小兒患痢，脫肛色赤，或痛，用補中益氣湯送香連丸而愈，後傷食作瀉，肛復脫不入，仍用前湯，更以草薢仁研塗頂門而愈。滋腸散治小兒久痢，腸頭脫出。

訶子

炮

赤石脂

龍骨

各等分

右為末臘茶少許和藥摻腸頭上絹帛搽

入

四神丸

方見驚瀉

地黄丸

方見腎臟

補中益氣湯

方見虛羸

聖濟犀角地黄湯

方見便血尿血即濟生犀角地黄湯

四君子湯

方見內釣

龍膽瀉肝湯

方見疝氣

肛門作痒

小兒肛痒或嗜甘肥大腸濕熱壅滯或濕毒
生蟲而蝕肛門若因濕熱壅滯用四味肥兒
丸大便秘結者用清涼飲蟲食肛門先用化
蟲丸後用四味肥兒丸外以雄黃散納肛內
若因病不食蟲無所養而食臟食肛者其齒
齧無色舌上盡白四肢倦怠其上唇內有瘡
唾血如粟心內懊懣此蟲在上食臟若下唇

內有瘡此蟲在下蝕肛門若蝕肛透內者不治諸蟲惟上半月頭向上可用藥追之望後頭向下令患者聞烹蝕香味蟲頭即向上矣後用藥追之

治驗

一小兒嗜膏粱甘味患疥瘡余謂當禁其厚味急用清胃之藥以治其積熱不從乃用敷藥以治其外更肛門作痒發熱甚肌體骨立飲食少思遂用九味蘆薈丸五味異功散加柴胡升麻尋愈

一小兒肛門作痒耳前後結小核如貫珠隱於肌肉之間小便不調面色青此稟母之肝火為患用九味蘆薈丸為主佐以五味異功散加山梔柴胡又以加味逍遙散加漏蘆與母服之而愈

一小兒十三歲肛門作痒或脫出或大便

血遍身生瘡發熱作渴腹大青筋用大蘆
薈丸五味異功散其瘡漸愈佐以補中益
氣湯熱渴漸止肛門悉愈又用異功散為
主佐以補中益氣湯加吳茱萸所製黃連
治之而血愈

一小兒十五歲兩目白翳遍身似疥非疥
肛門作痒晡熱口渴形體骨立余以為肝
疢之症也用六味地黃丸而痊後因莖作
痒小便澄白服蟠葱散肛門腫痛服大黃
等藥肛門脫出作痒不可忍雜用降火之
藥不應下唇内生小白瘡余以為蟲食肛
門用九味蘆薈丸而愈

一小兒肛門作痒悞以為痔服槐角丸等
藥肢體消瘦鼻下濕爛下唇内生瘡此蟲
食下部也先用化蟲丸二服乃用五味異
功散四劑却用大蕪萸湯四味肥兒丸而

痊

一小兒七歲飲食過多即作瀉面色青黃
服峻厲剋劑余謂當節飲食健脾胃為善
不信後牙齦赤爛肛門作痒服清熱之劑
腹痛膨脹復請欲用前劑余曰此元氣虧
損虛火上炎也仍不信後腮間黑腐余曰
此脾氣大虛肉死而不知痛也明矣後雖
信余已不救矣若初用五味異功散健脾

胃為主佐以大蘆薈丸四味肥兒丸清脾
濕熱豈有不治之理哉後之患者審之

一小兒肛門作痒屬大腸經風熱用槐角
丸而愈

一小兒肛門連陰囊痒出水滴淋屬肝經
濕熱也用龍膽瀉肝湯九味蘆薈丸治之
並愈

一小兒嗜甘肥肛門作痒發熱作渴雜用

清熱之藥腹脹少食鼻下生瘡余謂脾胃
濕熱生蟲也不信後下唇内生瘡先用四
味肥兒丸諸症漸愈又用大蕪荑湯治之
而痊

便血尿血

經云肺朝百脉之氣肝統諸經之血又云氣
主啣之血主濡之蓋榮血為水穀之精氣灌
溉五臟六腑四肢百骸若脾胃有傷榮衛虛
弱行失常道故上為衄血吐血下為尿血便
血矣若外感風邪則血鮮若腸風內傷則血
濁若臟毒又熱入大腸則大便下血熱入小
腸則小便出血然小兒多因胎中受熱或乳
母六淫七情厚味積熱或兒自食甘肥積熱
或六淫外侵而成若因母食厚味者加味清
胃散怒動肝火者加味小柴胡湯憂思鬱怒
者加味歸脾湯稟父腎燥者六味地黄丸兒

有積熱小便出血者實熱用清心蓮子飲虛
熱用六味地黄丸大便出血者犀角地黄湯
風邪外侵者倉廩散病後元氣下陷者補中
益氣湯糞前見血者四君加黃連製吳茱萸
糞後見血者四君加吳茱萸製黃連若嬰兒
以治母為主餘當臨症制宜

治驗

一小兒七歲食菱芡過多腹脹發熱大便
不通小便下血先用消積丸大便即通小
便血止又用保和丸及異功散而愈
一小兒因乳母飲酒小便出血用八正散
去大黃加乾葛山梔漏蘆母子服之並愈
一小兒小便見血或咳血衄血此脾肺虛
熱食後用聖濟犀角地黄湯食前用六味
地黄丸頓愈後因食厚味復作加味清胃
散及六味丸而愈

一 小兒稟父氣不足不時便血用六味地黃丸補中益氣湯而愈後因母飲酒多燻復致前患母服加味清胃散子服地黃丸而愈

一 小兒便血兩足發熱齒齲潰臭朝用六味地黃丸夕用異功散加蕪荑月餘漸愈乃佐以補中益氣湯而愈

一 小兒稟父腎虛便血作渴足熱形瘦用六味丸尋愈後出痘第四日兩足發熱作渴飲冷以前丸料煎與恣飲三劑後足涼渴止其痘安然而靨

一 小兒便血面青脇痛小便頻數此肝木侮脾土而不能統攝也用異功散加柴胡炒黑龍膽草二劑肝症頓退仍用異功散而血止

一 小兒便血發熱作渴飲冷用黃連解毒

湯一劑熱服諸症頓愈後因飲食過傷下血甚多發熱倦怠飲食少思先用補中益氣湯元氣復而飲食增又用四君加升麻而愈

一小兒便血作渴少食先用七味白朮散渴止食進又用補中益氣湯而瘥後食生冷腹脹便秘用保和丸二便下血或時發搐此脾氣傷而肝火動也用異功散加鈞

藤鈞柴胡而搐止又加升麻木香而血止
一小兒食生冷果品腹脹作痛發熱作渴大便不利小便尿血用茯苓散加黃連二劑大便通而尿血愈

一小兒尿血兩足發熱用六味地黃丸而愈後患痢久不愈復尿血作渴飲冷以前丸料煎服兼用補中益氣湯而愈

一小兒尿血面青脇痛小便頻數用五味

異功散加柴胡炒黑龍膽草次用地黃丸而愈

一小兒久患便血屬脾胃虛熱也諸藥不應用人參二兩炒黑黃連吳茱萸各半兩為末米糊作丸佐以補中益氣湯頓痊

一小兒便血面黃腹脹用四味肥兒丸及補中益氣湯加吳茱萸製黃連木香蕪荑三十餘劑而愈至夏間患血痢發熱晡熱手足浮腫仍用前藥而痊

一小兒八歲腹脹臍凸大便下血如痢小便色赤似血面日皆黃兩腮色赤此食積所傷而肝侮之也蓋脾病則肺虛不能生腎故有是症當先消導積滯遂用越鞠丸加三稜蓬朮薑湯下四服二便通利又用大安丸二服下血亦止後復傷食發熱腹脹小便下血服保和丸四服而愈

一小兒十一歲因勞發熱尿血小便不利
先用清心蓮子飲二劑後用補中益氣湯
加山梔而痊

一小兒便血服寒藥過多腹脹小便不利
其血益甚余朝用補中益氣湯夕用金匱
加減腎氣丸而痊

并露飲治小兒胃中客熱齒齲潰爛時出膿
血及目赤腫痛口瘡喉腫或身面皆黃大

便不調小便黃澁

熟地黄

麥門冬

去心焙

枳殼

炒

茵陳

甘草

炙

枇杷葉

石斛

黃芩

炒

生地黄

天門冬

去心炒
各等分

右為末每服二錢水煎服

聚金丸治大便下血發熱煩躁腹中熱痛作
渴妄言舌澁目昏其脉弦數

黃連

一兩水浸晒乾一兩炒
兩灰火煨一兩生用

黃芩

防風各一兩

右為末每服二錢水煎服

愚按前方若肝脾積熱吐血衄血便血發熱作渴大便秘小便赤者宜用之若熱既退而作渴下血未止或日晡益甚者陰血虛也用四物參朮主之若熱既退飲食少思肢體倦怠脾氣虛也用四君當歸主之

若槩用前方則誤多矣

濟生犀角地黃湯治傷寒溫病失於表汗致內有瘀血吐血面色黃大便黑及瘡痘出多以此解之

犀角

牡丹皮

各一兩

生地黄

八錢

赤芍藥

七錢

右每服二錢水煎服

千金地黃丸治小腸積熱臟毒去血

黃連四兩

生地黃

半斤搗取汁連滓拌勻曬乾

右為末煉蜜丸桐子大每服一二十九食後麥門冬湯下量兒加減

製黃連吳茱萸法

右以黃連吳茱萸各等分熟水拌濕入磁器內頓湯中良久俟氣味相和取出曬乾炒黃各揀出聽用

清心蓮子飲方見白濁

小柴胡湯方見瘧症

加味歸脾湯

越鞠丸

四君子湯

清胃散

異功散五方見內鈞

補中益氣湯

保和丸

大安丸

三方見虛羸即保和丸加白朮

加減腎氣丸

方見腹脹

八正散

方見小便不通

六味丸

方見腎臟

茯苓散

方見尿白

下積丸

白朮散

二方見積痛

四味肥兒丸

方見寒吐

大便不通

嬰童百問云小兒大便不通乃肺與大腸有熱以致秘結不通用清涼飲之類若飲食夾驚及積滯而不通者用大連翹飲之類驚風積熱而不通者用掩臍法此皆治實熱之例也余嘗治之因乳母或兒膏梁積熱及六淫七情鬱火傳兒為患者用清邪解鬱之劑稟賦怯弱早近色慾大便難而小便牽痛者用

滋補肺腎之劑褚氏遺書云男子精未滿而御女以通其精則四體有不滿之虞異日有難狀之疾老人陰已痿而思色以降其精則精不出而內敗精已耗而復竭之則大小便牽痛如淋今童子即有此患益見今人所稟與古人大徑庭矣人之氣血厚薄既殊而醫之用藥療法又豈可泥執古方而無加減之變乎

治驗

一小兒食膏粱之味大便不通飲冷發熱用清涼飲加大黃而通後飲食停滯腹痛大便不通用保和丸而痛止再煎檳榔湯送保和丸一服而便通

一小兒食糝停滯大便不通痛不可忍手足發搐用大柴胡湯調酒麩末一錢下滯穢甚多作嘔不食用五味異功散加升麻

柴胡而愈

一小兒大便不通審乳母飲食厚味所致
用清胃散以治母熱兒間飲食一二匙而
愈後乳母感寒腹痛食薑酒之物兒大便
秘結兼便血仍用清胃散每日數匙而愈
一小兒因乳母暴怒大便不通兒亦患之
兼用加味小柴胡湯兒先用保和丸二服
後用五味異功散加升麻柴胡兒日飲數

匙並愈

大柴胡湯

方見瘕症

神芎丸

方見驚風

六味丸

方見腎臟

清胃散

方見內鈞

小便不通

東垣云小便不利有在氣在血之異夫小便
者足太陽膀胱之所主長生於申申者金也

金能生水肺中伏熱水不能生是絕小便之源也治法用清燥金之正化氣薄之藥茯苓猪苓澤瀉琥珀燈心通草車前瞿麥篇蓄之類皆為痰滲能泄肺中之熱而滋水之化源也若不渴熱在下焦是熱澁其流而溺不泄也須用氣味俱厚陰中之陰藥治之二者之病一居上焦在氣分而必渴一居下焦在血分而不渴血中有濕故不渴也二者之殊至

易分別耳竊謂前症若津液偏滲於腸胃大便瀉利而小便澁少者宜分利若熱蘊於下焦津液燥而小便不行者宜滲泄若脾胃氣澁不能通調水道者宜順氣若乳母肝心二經有熱者用梔子清肝散肝經怒火者用柴胡梔子散若因父母曾服燥劑而致者用四物麥門甘草數而黃者用四物加山茱萸黃栢知母五味麥門肺虛而短少者用補中益

氣加山藥麥門陰挺痿痺而頻數者用地黃丸熱結膀胱而不利者用五淋散脾肺燥不能化生者用黃芩清肺飲膀胱陰虛陽無以生而淋瀝者用滋腎丸若膀胱陽虛陰無以化而淋瀝者用六味丸若因乳母厚味酒麪積熱者用清胃散五淋散仍參諸淋覽之

治驗

一小兒十四歲肢體倦怠發熱哺熱口乾作渴吐痰如湧小便淋瀝或面目赤色身不欲衣此稟賦腎虛陰燥也用補中益氣湯加減八味丸而愈

一小兒五歲小便不利用五苓散分利澹泄之藥益加不通小便陰囊漸腫先兄謂前藥復損真陰也用六味丸料加牛膝肉桂車前子佐以補中益氣湯而痊

一小兒八歲先小便澁滯服五苓散益甚

加木通車前之類腹脹吐痰加枳殼海金
砂而胸滿陰腫遍身發浮余用六味丸煎
送滋腎丸而痊此皆稟父氣所致其作濕
熱痰氣治之而死者多矣

一小兒八歲先因小便黃赤服五苓導赤
等散後患便血余以為稟賦虛熱也用六
味丸及補中益氣湯而痊

木通散治小便不通小腹作痛

木通

滑石各兩

牽牛半兩

右為末燈心葱白水煎空心服

八正散治蘊熱咽乾口渴引飲心忪面
熱煩躁不寧目赤睛疼或咽舌生瘡小便
赤閉及熱淋血淋

車前子

瞿麥炒

大黃麩裹

山梔

滑石

扁荳

木通

甘草炙各一兩

右為末每服二三錢入燈心水煎食前服

梔子仁散治小便不通臍腹脹悶心神煩熱

梔子仁五枚

茅根

冬葵子各半兩

甘草炙二錢

右為末每服一錢水煎空心服

梔子清肝散

柴胡梔子散

二方見發熱即柴胡清肝散

補中益氣湯

方見虛羸

黃芩清肺飲

方見百晬內散

加減滋腎丸

方見腹脹

清胃散

方見內鈞

四物湯

方見急驚

五苓散

方見五淋

六味地黃丸

方見腎臟

諸淋

夫小兒諸淋者腎與膀胱熱也二經相為表

裏俱主水道水入小腸下行於胞則為溺若
膀胱熱則津液內涸水道不通腎氣熱則小
便淋瀝或小腹引臍而痛夫淋有五石淋者
腎熱化石內塞水道痛引膀胱氣淋者肺氣
壅熱小腹脹滿小便澀滯熱淋者三焦有熱
傳入腎膀胱流入于胞小便赤澀血淋者心
熱血散失其常經溢滲入胞寒淋者膀胱氣
冷與正氣交爭寒戰氣解是也亦有因妊母
肝熱及乳母恚怒者當分五臟蓄熱治之若
心臟有熱者導赤散加黃連肝臟有熱者柴
胡梔子散大便不通瀉青丸脾臟有熱者瀉
黃散脾氣不足異功散脾氣下陷補中益氣
湯肺臟有熱者瀉白散肺氣虛熱異功散加
炒黑山梔腎臟有熱者地黃丸或因乳母肝
經熱者用梔子清肝散恚怒者用柴胡清肝
散乳母厚味者用加味清胃散心小腸熱者

用清心蓮子飲或兒早近色慾小便澁滯或
作痛及更衣後大小便牽痛者皆屬肝腎不
足也用六味地黃丸補中益氣湯加牛膝車
前肉桂未應當參五臟所勝不可輕用滲泄
寒涼之藥大損胃氣仍參前小便不通症覽
之

治驗

一小兒小便不通服五苓之類不應頰間

及左腮色赤乃肝腎虛熱也用四物山梔
及地黃丸而愈後因感冒誤汗小便仍不
利余用補中益氣湯加麥門五味而安
一小兒小便不利莖中澁痛時或尿血此
稟父腎熱為患也先用五淋散以疎導又
用滋腎丸地黃丸補肝腎漸愈後出痘色
紫小便短赤頰間右腮或赤或白用補中
益氣湯六味地黃丸前症並愈

一 小兒小便不利衄血鼻色赤屬脾肺有熱也
用濟生犀角地黄湯而愈後頰間常赤作渴有痰此稟賦腎氣不足用地黃丸而諸症瘥

一 小兒十五歲所賦虛怯且近女色小便滴瀝誤服五苓散之類大小便牽痛幾至不起用六味丸而愈

金砂散治小便淋瀝不通

鬱金

海金砂

滑石

甘草

各等分

右為末每服一錢煎地膚子湯調下燈心

木通亦可

又方冬瓜最治實熱小便不通內熱口渴立効散治小兒諸淋不通莖中作痛

木通

甘草

王不留行

胡荽

滑石

海金砂

山梔子

檳榔各等分

右每服一錢水煎

五淋散治膀胱有熱水道不通或小腹腫脹

赤茯苓

赤芍藥

各五分

山梔炒

當歸

各三分

甘草

二分

右用燈心十根水煎

木通散

方見小便不通

導赤散

方見心臟

瀉青丸

方見肝臟

瀉黃散

方見脾臟

四物湯

方見急驚

清胃散

異功散

二方見內鈞

補中益氣湯

方見虛羸

瀉白散

方見肺臟

地黃丸

方見腎臟

柴胡清肝散

梔子清肝散

二方見發熱即柴胡梔子散

滋腎丸

方見腹脹

清心蓮子飲

茯苓散

二方見白濁

五苓散

方見五淋

聖濟犀角地黄湯

方見尿血便血

遺尿

巢氏云腎主水與足太陽相為表裏經曰膀胱者州都之官津液藏焉卧則陽氣內收腎與膀胱之氣虛寒不能約制故睡中遺出內經謂膀胱不約為遺是也用破故紙散益智散雞腸散之類主之亦有熱客於腎干於足厥陰之經挺孔鬱結而氣血不能宣通則痿痺而無所用故液滲入膀胱而漩溺遺失者用六味地黃丸虛熱亦用前丸脾肺氣虛者

用補中益氣湯加補骨脂山茱萸

治驗

一小兒眼胞微腫欬惡心小便泔白余謂脾疳食積也用五味異功散佐以四味肥兒丸而愈後不節飲食視物不明余曰目為五臟之精脾胃復傷須補養為主不信乃服峻厲之劑後變慢脾風竟為不起一小兒三歲素遺尿余視其兩額微赤此

稟父腎與膀胱二經陰虛也與六味丸服之赤色漸退而遺尿亦愈

一小兒四歲飲食少思便泄腹痛素遺尿額頰青黑雖盛暑而惡風寒余謂經云熱之不熱是無火也用八味丸治之諸症悉愈

破故紙散治膀胱虛冷夜間遺尿或小便不禁

破故紙

右為末每服一錢熱湯調下

湯氏雞腸散治小便不禁睡中遺出

雞腸草兩一

牡蠣粉錢三

龍骨煨

麥門冬去心

白茯苓

桑螵蛸各半兩炙

右為散每服一錢棗水煎

又方五倍子炒焦為末每服半錢白湯調下

或糊丸米湯送下

益智散

方見潮熱即益智丸

補中益氣湯

方見虛羸

異功散

方見內釣

四味肥兒丸

方見寒吐

六味地黄丸

加減八味丸

二方見腎臟即六味丸加五味子肉桂

白濁

仁齋曰小兒尿白久則成疳此因心膈伏熱

或乳哺失節傷脾使清濁不分故也全嬰方
云小便初溺微赤良久白濁者乃熱疳之症
也初溺黃白良久白濁者冷疳之症也冷者
益黃散熱者牛黃丸冷熱相兼者蘆薈丸純
下白濁者君朴丸諸失津液欲成疳而小便
白者茯苓散小便如泔或良久變白亦有脾
虛食積濕熱下注者先用茯苓散五七服次
用四味肥兒丸若乳食少思或腹肚脹大小
便頻數此脾虛元氣下陷也朝用五味異功
散夕用四味肥兒丸若肥體色黃小便不調
髮黃脫落鼻下瘡痍嗜土少食大便青褐者
用梔子茯苓湯仍審其乳母飲食七情治之

治驗

一小兒發熱懶食小便良久變白余用四
味肥兒丸即愈或誤以為積熱用清涼祛
逐之劑形體頓弱虛症悉至小便如泔用

補中益氣湯及四味肥兒丸而愈

一小兒面色痿黃眼胞微腫作渴腹脹飲食少思小便澄白大便不實此脾疳之症也用四君子加山梔蕪荑兼用四味肥兒丸而愈

一女子小便或黃或白後前陰作痒出水此肝經濕熱先用龍膽瀉肝湯一劑又以加味逍遙散加龍膽草而愈

一小兒兩耳後腦下各結一核小便白濁面色痿黃體倦口乾大便不調用蘆薈丸而愈後鼻外生瘡作痒小便仍白視物不明用四味肥兒丸而愈

一小兒白濁兩耳內耳外生瘡膿水淋漓用大蘆薈丸而愈後遍身如疥肌體消瘦發熱作渴大便酸臭小便白濁用九味蘆薈丸五味異功散而愈

一 小兒白濁形氣甚虛發熱作渴余謂肝
腎虛羸也用大蘆薈丸地黄丸而愈畢姻
後小便仍白唾痰發熱形氣益虛用大劑
益氣湯六味丸各五十餘劑而愈

一 小兒白濁發熱口乾體瘦骨立余謂腎
經虛羸朝用補中益氣湯夕用六味地黄
丸而愈後兩目或生白翳面黃浮腫小便
仍白此變肝脾症用四味肥兒丸月餘

漸瘳

君朴丸治小兒小便白濁久則黃瘦不長肌
肉

史君子 煨 厚朴 製 黃連 各一兩

木香 三錢

右為末蒸餅糊丸桐子大每服一二十丸
米湯下

茯苓散治乳食傷脾或心經伏熱小便白濁

三稜 煨

蓬朮 煨

砂仁

赤茯苓 各半

青皮

陳皮

滑石

甘草 各一錢

五分

右為末每服一錢燈心湯調下

三稜散治小兒尿白久則成疳宜補脾消食化積

三稜

蓬朮 各一

兩煨

益智仁

甘草

神麴 炒

麥牙

橘皮 各半

兩

右為末每服一錢白湯調下

分清飲治小便餘瀝并赤白濁

益智仁

川草薢

石菖蒲 鹽炒

烏藥

茯苓

白芍藥 各三分

右入燈心水煎

清心蓮子飲治發熱口乾小便白濁夜則安靜晝則發熱

黃芩

麥門冬

地骨皮

車前子

甘草

各三錢半

石蓮肉

茯苓

黃芪

柴胡

人參

各二錢五分

右每服二錢水煎服

梔子茯苓湯

即大蕪羹湯方見諸瘡症

大安丸

即保和丸加白朮

補中益氣湯

二方見匿羸

龍膽瀉肝湯

方見疝氣

加味逍遙散

異功散

四君子湯

三方見內鈞

益黃散

方見脾臟

牛黃丸

方見驚癇

蘆薈丸

方見疳症

疳症

錢仲陽云小兒諸疳皆因病後脾胃虧損或用藥過傷不能傳化乳食內亡津液虛火妄動或乳母六淫七情飲食起居失宜致兒為患五臟之疳不同當各分辨肝疳者一名風疳其症白膜遮睛或瀉血羸瘦心疳者其症面黃頰赤身體壯熱脾疳者一名肥疳其症肢體黃瘦皮膚乾澀多生瘡疥腹大食土肺疳者一名氣疳其症喘嗽不已口鼻生瘡腎

疳者一名骨疳其症肢體削瘦遍身瘡疥喜卧濕地楊氏云又有疳傷者五臟蟲疳也其名甚多姑舉其要蟲疳者其蟲如絲出於頭項腹背之間黃白赤者可治青黑者難療蛔疳者皺眉多啼嘔吐青沫腹中作痛肚脹青筋唇口紫黑頭搖齒痛脊疳者身熱羸黃煩渴下利拍背有聲脊骨如鋸齒十指皆瘡頰齧爪甲腦疳頭皮光急滿頭併瘡腦熱如火

髮結如總遍身多汗頭腫顛高疳渴者日則
煩渴飲水不食夜則渴止疳瀉者毛焦唇白
額上青紋肚脹腸鳴瀉下糟粕疳痢者停積
宿滯水穀不聚瀉下惡物疳腫者虛中有積
肚腹緊脹脾復受濕則頭面手足虛浮疳勞
者潮熱往來五心煩熱盜汗骨蒸嗽喘枯悴
渴瀉飲水肚硬如石面色如銀無辜疳者腦
後項邊有核如彈丸按之轉動軟而不疼者

內有蟲不速針出則內食臟腑肢體癱疽便
利膿血壯熱羸瘦頭露骨高相傳兒衣夜露
為鷓鴣鳥羽所污亦致此症若手足極細項小
骨高尻削體痿腹大臍突號哭胸陷名丁奚
若虛熱往來頭骨分開翻食吐蟲煩渴嘔噦
名哺露若牙齒蝕爛名走馬疳蓋齒屬腎腎
虛受熱瘵火上炎致口臭齒黑盛則齲爛牙
宜大抵其症雖多要不出於五臟治法疳疳

用地黃丸以生腎心疳用安神丸以治心異
功散以補脾脾疳用四味肥兒丸以治疳五
味異功散以生土肺疳用清肺飲以治肺益
氣湯以生金腦疳亦用地黃丸無毒疳用大
蕪荑湯蟾蜍丸丁奚哺露用肥兒丸大蘆薈
丸走馬疳敷雄黃散服蟾蜍丸若作渴瀉痢
腫脹勞瘵等類當詳參方論而治之蓋疳者
乾也因脾胃津液乾涸而患在小兒為五疳
在大人為五勞總以調補胃氣為主

治驗 更參肛門作疳

陳職方孫三歲面頰患瘡沿蝕兩目肚大
青筋小便澄白此肝疳之症也用大蕪荑
湯二劑而愈
陳司廳子遍身生瘡面色痿黃腹脹內熱
大便不調飲食少思倦怠口乾為肝脾疳
症用大蘆薈丸不月而痊

陳工部長孫腹內一塊小便不調或用行
氣破血等藥發熱口乾體瘦懶食面黃兼
青幾成瘵症以補中益氣湯煎送大蘆薈
丸四服又用前湯加車前子煎送六味丸
四服又用清肝生血之藥而痊

一女子十二歲目生白翳面黃浮腫口乾
作瀉用四味肥兒丸而痊

一小兒頭搖目劄口渴下血此肝經血虛
風熱也用地黃丸而痊若肝經實熱兼用
瀉青丸蓋虛則補其母實則瀉其子也

一小兒十一歲兩耳後腦下各結一核色
不變不痛而面色痿黃體倦口乾去後不
調用蘆薈丸治之諸症頓愈

一小兒鼻外生瘡不時揉擦延及兩耳又
一小兒視物不明鼻內或痒或生瘡用四
味肥兒丸並愈

一 小兒水入耳內耳外生瘡膿水淋漓經
歲不愈余謂肝火上炎用大蘆薈丸而愈
一 小兒遍身如疥或痒或痛肌體消瘦日
夜發熱口乾作渴大便不調年餘不愈用
九味蘆薈丸而愈

一 小兒數歲腦後並結二核肉色紅故亦
不覺痛用大蘆薈丸以清肝脾佐以地黃
丸補腎水形體健而核自消

一 小兒腹內結塊小便不調此肝經內癰
也用龍膽瀉肝湯及大味蘆薈丸而痊

一 小兒自生後兩目赤腫或作痒或生翳
此胎稟肝火用蘆薈丸六味地黃丸而痊
一 小兒患瘰癧小便頻數兩目連劄作嘔
少食泄瀉後重用補中益氣湯六味地黃
丸漸愈佐以蘆薈丸而痊

一 小兒食泥土困睡泄瀉遍身如疥此脾

經內外疳也用六君子湯肥兒丸而愈

一小兒面黃頰赤發熱作渴睡中驚悸此
心經內外疳也用秘旨安神丸而痊

一小兒患前症兼掌心發熱遍身如疥用
安神肥兒二丸而愈

一小兒咳嗽寒熱咽喉不利鼻上有瘡久
不結痂此肺經疳症也用地黃清肺飲而
痊

一小兒下疳潰痛爪黑面顴遍身生疥此
肝經內外疳也用地黃蘆薈二丸而痊

史少叅幼子二歲項後結核不時仰臥或
以為熱瘡內潰用針決之服消毒之藥後
曲腰啼哭余謂此名無辜疳仰身而哭外
疳症也腰曲而啼內疳症也元氣敗矣果
歿

一小兒四肢消瘦肚腹漸大寒熱皆作

渴引飲此肝脾疳症名丁奚哺露用白木
散為主佐以十全丹月餘諸症漸愈乃以
異功散加當歸及六味丸而痊

一小兒患疳虛症悉具熱如火多病狀不
能盡述朝用異功散夕用四味肥兒丸月
餘諸症稍愈佐以九味地黄丸自能行立
遂朝以六味地黄丸夕以異功散及蚶蜆
丸而痊

一小兒四肢消瘦肚腹脹大行步不能作
渴發熱去後臭穢以十全丹數服諸症漸
愈又用異功散肥兒丸調理漸愈

太蘆薈丸治疳殺蟲和胃止瀉

胡黃連 黃連 白蘘蕪去扇

蘆薈 木香 青皮

白雷丸破開赤者不用 鶴虱微炒各半兩

麝香二錢另研

右為末粟米飯丸菘豆大每服一二十九
米飲下

愚按前方肝脾疳症食積發熱目生雲翳
或疳熱頸項結核或耳内生瘡肌體消瘦
發熱作渴飲食少思肚腹膨脹或牙齦蝕
落頰頤腐爛或陰囊玉莖生瘡或胸脇小
腹作痛並効內青皮以龍膽草代之麝香
不用尤効

六味肥兒丸消疳化蟲退熱

黃連

陳皮

川練子

去核

神麴

炒

麥蘖

炒各一兩

白蕪荑

兩半

右為末糊丸麻子大每服一二十九空心
米飲吞下

愚按前方又治脾疳飲食少思肌肉消瘦
肚大頸細髮稀成穗項間結核發熱作渴
精神倦怠大便酸臭嗜食泥土或口鼻頭

瘡肚見青筋齧齒下痢便白五痔用此丸

加乾蟾一兩蕪蕪五錢尤妙

蚶蟆丸治無辜痒症一服虛熱退二服煩渴止三服瀉痢住

蟾蜍

一枚夏月溝渠中腹大不跳不鳴身多癩癩者

右取糞蛆一杓置桶中以尿浸之桶上要乾不令蟲走出却將蟾蜍撲死投蛆中食一晝夜以布袋盛置浸急水中一宿取出

瓦上焙為末入麝一字粳米飯揉丸麻子大每服二十九米飲下

愚按前方又治無辜痒症面黃壯熱不食舌下有蟲或腦後有核軟而不痛中有粉蟲隨氣流散侵蝕臟腑便滑膿血日漸黃瘦頭大髮豎手足細軟變生天癩猢猻鵝口木舌懸癰重腭口噤臍風撮口重舌龜背龜胸一十二種敗症急用蟾蜍丸大蕪

蕘湯治之多有生者

生熟地黃湯治痺眼閉合不開

生地黃

熟地黃

各半兩

川芎

赤茯苓

枳殼

製

杏仁

去皮

川黃連

半夏麴

天麻

地骨皮

甘草

炙各二錢五分

右每服二錢黑豆十五粒薑水煎服

嚏痺散治痺

蘆薈

黃連

各一錢

瓜蒂

猪牙皂角

蝦蟆灰

各五分

麝香

少許

右為末吹入鼻嚏則可療

脂連丸治五痺潮熱腹脹髮焦

胡黃連

兩半

五靈脂

兩一

右為末猪膽汁丸麻子大米飲下

茯苓丸治心痺驚痺

茯苓

蘆薈

琥珀

川黃連淨

赤茯苓

鈎藤皮

遠志肉

蝦蟇灰各三錢

石菖蒲一錢

麝香少許

右為末粟米丸麻子大薄荷湯下

神效換肌丸治脾痺肌瘦潮熱盜汗泄瀉糟

柏頭大腹急

川黃連炒

鱉甲酒炙

肉苁蓉煨

史君子麵裹煨

神麩炒

麥芽炒各半兩

訶子肉一錢半

麝香五分

右為末糊丸芥子大米湯下

天麻丸治肝痺風痺痺眼

青黛

川黃連

天麻

五靈脂

夜明沙微炒

川芎

蘆薈各二錢

龍膽草

防風

蟬退去足各一錢半

全蝎二枚焙

麝香少許

乾蟾頭炙焦三錢

右為末猪膽汁浸糕丸麻子大每服十九
薄荷湯下

化蠶丸治諸疳生蟲不時啼哭嘔吐清水肚
腹脹痛唇口紫黑腸頭濕蠶

蕪荑

蘆薈

青黛乾

川芎

白芷梢

胡黃蓮

川黃蓮

蝦蟇灰

各等分

右為末猪膽汁浸糕糊丸麻子大每服一

二十九食後臨卧杏仁煎湯下其鼻常用
熊膽煎湯筆蘸洗俟前藥各進數服却用
青黛當歸赤小豆瓜蒂地榆黃連蘆薈雄
黃為末入鼻瘡欬

靈脂丸治脾瘕食積

白芷

麥芽炒

五靈脂

宿砂

蓬木煨

青皮

橘紅

史君子

焙各二錢 蝦蟇炙焦三錢

右為末米糊丸麻子大每服十九米湯下
下蟲丸治疳蛔諸蟲

新白苦棟根皮酒浸
綠包貫衆

木香
桃仁浸去皮焙
蕪荑焙

鷄心檳榔各二錢
鶴虱炒一錢

輕粉五分
乾蝦蟇炙焦三錢
史君子五十取肉煨

右為末麵糊丸麻子大每服一二十九天
明清肉汁下內加當歸川連各二錢五分

龍膽丸治腦疳腦熱瘡

龍膽草
升麻
苦棟根皮焙

赤茯苓
防風
蘆薈

油髮灰各二錢
青黛乾
黃連淨各三錢

右為末豕猪膽汁浸糕糊丸麻子大薄荷
湯下仍以蘆薈末入鼻

黃連丸治疳勞

黃連半兩淨洗
石蓮

瓜蒌根

杏仁浸去皮焙

烏梅肉各三錢

右為末牛膽汁浸糕糊丸麻子大煎烏梅

薑蜜湯下

香薷丸治疳瀉

黃連三錢炒

肉豆蔻

木香

訶子肉煨

砂仁

茯苓各一錢

右為末飯丸麻子大米飲下

木香丸治疳痢

黃連淨三錢

木香

紫厚朴製

夜明砂備紙炒各二錢

訶子肉炒一錢

右為末飯丸麻子大乾艾生薑煎湯食前

下

十全丹治丁癸嘔露

青皮

陳皮各去白

川芎

五靈脂

白豆蔻仁

鷄心檳榔

蘆薈各五錢

木香

史君子焙

蝦蟇灰 各三錢

右為末猪膽汁浸糕糊丸麻子大每服一
二十九米飲下有熱薄荷湯下

湯氏十全丹治前症

檳榔

枳殼

湯浸去穰麩炒

青皮

陳皮

去白

丁香

木香

各二錢五分炮

香附子

一兩炒

右為末神麩糊丸黍米大每服三十九空

心食前米飲下

愚按前症因乳哺不調傷損脾胃不思飲
食氣血日損四肢日瘦肚腹漸大是名丁
奚呼吸少氣汲汲若熱謂之哺露屬形病
俱虛雖用前藥宜佐以異功散壯脾胃以
行藥勢

鱉血煎治疳勞

蕪荑

柴胡

川芎

各一兩

人參兩半 史君子二十個 胡黃連

宣黃連

右用鱉血一盞吳茱萸一兩和二黃連淹

一宿次早炒乾去茱萸并血用二連入餘

藥末粟粉糊丸麻子大食前熱水下

地黃清肺飲治肺熱疳蝕穿孔或生瘰肉或

鼻外生瘡

桑白皮炒半兩 紫蘇

前胡

赤茯苓

防風

黃芩

當歸

天門冬去心

連翹

桔梗

生地黃

甘草各二錢

右每服二錢水煎服次用化懸丸

九味地黃丸治腎瘕

熟地黃

四分 赤茯苓

山茱萸肉

川練子

當歸

川芎

牡丹皮

山藥

史君子肉二錢

右為末蜜丸桐子大每服八十九空心温

酒下

東垣大蕪荑湯

一名梔子
茯苓湯

治黃疝土色為濕

為熱當利小便今反利

知黃色中為
燥胃經熱也髮黃

脫落

知勝脫腎俱受上
邪乃大濕熱之症

鼻下斷作瘡

上選
行營

氣伏能乳胃中有熱也
火也寒則食不入

喜食土

胃不
是也面黑

色為寒
為痺

大便清

也寒
也褐色

問黃色

腸胃
有熱

治當滋榮潤燥外致津液

山梔仁分三

黃柏

甘草各
二分

大蕪荑分五

黃連

麻黃根分一

寇活分二

柴胡分三

防風分一

白朮

茯苓各五
分

當歸分四

右水煎服

硃砂安神丸治心痺怔忡心中痞悶

硃砂錢四

黃連

生地黃各半
兩

生甘草二錢
半

蘭香葉

二錢 燒灰

銅青

輕粉

各五分

右為末乾敷上

白粉散治痔瘡

海螵蛸

三分

白芨

二分

輕粉

一分

右為末先用漿水洗拭乾傳

六君子湯

異功散

二方見內鈞

六味丸

方見腎臟

四味肥兒丸

方見寒吐

瀉青丸

方見肝臟

龍膽瀉肝湯

方見疝氣

補中益氣湯

方見虛羸

白朮散

方見積滯

二便色白

秘旨云小兒便如米泔或溺停少頃變作泔濁者此脾胃濕熱也若大便泔白色或如魚

凍或帶紅黃黑者此濕熱積滯也宜理脾清滯去濕熱節飲食若忽然變青此是變蒸也
不必用藥若久不愈用補脾制肝若心膈伏熱則成疳矣大抵多因乳哺失節脾氣有傷
元氣下陷或乳母飲食七情所致小便如泚
或大便泚白者用四味肥兒丸積滯黃黑者
用四君子湯加黃連木香色青日久不復或
兼泄瀉或腹痛者用六君子湯加木香芍藥

若小便不利大便褐色髮黃脫落鼻下瘡痂
用梔子茯苓湯乳食少思胸腹膨脹大便頻
數用四味肥兒丸仍審乳母飲食七情主之

治驗

一小兒每食停滯大便色白而頻先用大
安丸異功散少加炒黑黃連一二服後小
水澄文如泚發熱體倦用四味肥兒丸而
愈

一 小兒患前症停食發熱先用大安丸而愈後患腹脹午後發熱用五味異功散而瘥

一 小兒患前症兼自痢用異功散加升麻柴胡而愈但日晡微熱倦怠用補中益氣湯四味肥兒丸而愈

一 小兒患前症服驅逐之劑手足並冷作渴少食此脾氣復傷也用六君升麻柴胡而瀉止又四味肥兒丸而愈

四君子湯

六君子湯

加味逍遙散

五味異功散

龍膽瀉肝湯

補中益氣湯

大安丸

保和丸加白朮
二方見虛羸

四味肥兒丸

方見寒吐

梔子茯苓湯

即大蕪蕪湯
方見痺症

中治

傳之

治

下散

八月

四香

八終

